





釋藥集韻序



神農本草漢晉下逮隋唐注釋者無慮
數十百家亦既夥矣宿師耆碩章得白

紛粗工小生覩其龐雜紛糾卒艱尋究

卷帙思卧者過半矣吾友程宗衡玩索

研披諳其理解剖判群疑析諸聖哲撮

其窾奧批分卻極總為誦詩洞鑒梳玄

綜括倫緒離離乎其可知也動植飛潛

之性水土埏埴之宜補導宣洩之用清
升之氣沉墜之質天產以達陽德地產
以達陰德物別類分該貫洽通古謂明
於天地之性者不可誣以恠竒援於萬
物之情者不可調以非類是編雖藉之
邃古旁搜簡帙實證諸聲色臭味悍疾
柔緩冲和偏駁質之耳目見聞一切壽
張幻妄幽渺荒忽之說刪刊不挈諸篇

扶樹道教有所裨助宗經翼傳使傳之
者易知習之者易明闡微剔蕪庶幾入
炎皇之一門戶云爾命予叙其著述之
意以藏諸笥而俟傳諸其人
皆

嘉靖辛酉春上元日

文林郎知光山縣事海虞朱永年撰

釋藥集韻序

藥之品著於神農本經者有三上藥養
命中藥養性下藥養病咸太上之奧旨
生民之日用也大觀臣浚名醫世出各
增品彙雖有朱書墨書之別乃或出以
己意致有砒砒魚目之訥故慈溪王節
齋氏爰集其要臣明大義其宅心亦仁
矣自集要出而本經之旨益彰天下浚

世起疲殘而全大札者咸藉於是余無
似亦欲私淑其說且便來學慮記誦之
惟艱致方藥之忘本也即其治性括以
恒韻雖不外乎節齋氏之意而可且易
識乎本經之首使之童而熟之壯而施
之所謂三說日用湯液珠囊之書於此
而可且盡得其意又首釋其名以見古
人立名之義皆非苟然者幸毋易而忽
之可也余嘗著釋方以發主方之意又
編脈薈且明切脈之由茲復集藥性以
指用藥之原合而觀之誠本經之階梯
亦素問之關鑰也由粗及精存乎其人
姑誤此且誌歲月云爾

皆

嘉靖甲寅仲冬月長至日

迪功佐郎良醫副古欵程伊宗衡甫撰



釋藥集韻卷之上

良醫副新安程伊宗衡甫著

草部上

人參

人仁也參叅也補益人元氣有參贊之功一云形如人身者有神

人參味甘安五臟止渴調中驚悸除明目開心兼

益智安魂定魄補諸虛

沙參

沙砂也參叅也形踈踈而參贊之功同也陶隱居云五參其形不盡相類主療頗同故皆名參

沙參無毒苦甘寒頭腹疼除更養肝血積驚煩寒

熱退梨蘆防已慎相干

天門冬

天顛也一名顛棘爾雅名藟冬藟音門後人因字之繁遂書門又名滿冬冬月作實也

天門冬味苦甘平更補勞傷吐衄寧又主濕風兼

定肺消痰瀉火畏曾青

麥門冬

麥其形如穰麥也一云門冬地名也

麥門甘苦氣平寒治肺心脾療口乾起脉強陰消

客熱疴羸煩躁總宜餐

地黄

一名苜用水試之浮為天黃不堪用半沉為人黃次之沉重為地黃最勝生採時其根色黃

地黄無毒苦甘寒熟補生涼不一般補血虛勞惟

熟好拆傷瘀血用生安

黃耆

黃黃鍾之正色也耆老也服之延年益壽也又各芪芪底也補根元之氣也

黃耆甘温性無毒内外三焦補益多虛熱癰疽稱

聖藥生津飲汗養元和

二朮

白朮也如米啓時色也朮濁也以言其色白而形濁也蒼以色言蒼蒼也一云象形也

二朮甘温味甘辛健脾除濕用功勻白能多補蒼

能瀉破癖消痰更益精

甘草

其甜也以味言也草條也以形言也又名國老以其解百毒而有効協諸藥而無爭故稱國老

甘草氣寒温用炙甘平解毒藥中王善和諸藥調

寒熱戟遂莞花却與妨

菊花

菊鞠也埤雅云鞠如聚金鞠而不落也花莠也後凡言花者倣此

菊花甘苦氣平寒花葉根莖按月乾明目消煩除

翳膜濕風頭眩摠能安

菖蒲

菖昌也昌盛之貌莖葉叢生蒲其葉如蒲草也

菖蒲氣味温辛苦能通九竅開心戶除煩伸痺定

頭風聰耳出音虛亦補

遠志性能通達精志令人多聰慧志識高遠也苗名小其形小也

遠志性温兼味苦主除欬逆定心驚補中下氣還

通竅猶令愚蒙志慧生

黃精黃以色言也芝草經云花為飛英根為精氣天老曰太陽之草名曰黃精以其得陽之精也

黃精無毒味甘平大補勞傷心肺清去湿益脾兼

益氣依方服餌可延生

薯蕷薯署也色明潔也蕷芋也形如芋也

薯蕷甘温氣更平涼而能補藥中英虛羸不足猶

能治又定腰疼止泄精

五味五味者皮肉其酸核中辛苦味皆鹹也子莖也

五味温酸通血脉主除欬逆補羸疔清肌歛汗猶

滋肺止渴生津更壯陽

肉蓯蓉陶隱君云野馬精落地所生生時似肉也從從也蓉容也從容舒緩言藥性之和緩也

肉蓯蓉酸鹹無毒益精髓扶陽不足暖腰膝強骨

輕身療血崩絕陰可續

鎖陽鎖陽猶言固精而不泄也

鎖陽無毒味甘鹹可代蓯蓉性一般補氣閉精開

結燥大便溏泄勿令餐

兔絲子抱朴子云兔絲之草下有伏兔之根無此兔則絲不得生於上

兔絲子平温無毒味辛甘絕傷可續腰膝冷溺血

精遺諸虛寒皆能補足

牛膝牛膝其莖有節似牛之膝故以為名也

十滕氣平味苦酸益精活血治筋攣主寒濕痺通經事更引諸功向下鑽

姜蕤姜蕤一名女姜委委也委委佗佗姜也能去疔斑令人美顏色故女人多用之姜蕤就之也

姜蕤無毒氣平其去熱消風畏鹵鹹濕毒脚疼心腹結四肢拘急効非凡

薏苡仁薏苡實也形如珠子故呼薏苡子小兒多以線穿如貫珠作記書數

氣味甘寒意苡仁筋攣拘急使能伸利腸消水除風痺益氣輕身絕有神

石斛石生於石上也斛斗類也生於椹樹者名木斛不堪入藥椹樹二樹俱有斗子故斛名之

石斛其平胃氣壯筋補內除寒痺虛勞邪熱及心敬馬脚膝酸疼皆可治

巴戟巴生巴郡也戟棘也根有棘刺也一云生巴戟人喉

巴戟心其氣本温大風邪氣面多痕小腸陰痛相牽引一切虛勞可復元

補骨脂骨脂髓也能補精髓因而名之

補骨脂辛苦大温勞傷虛冷四肢疼陽衰腰痛陰囊濕骨髓傷殘更復凝

川芎川以地言也是處雖產終不及產於川中者良芎穹也至高之謂其性上行理頭病以功言之

川芎辛味氣微温頭面諸風及腦門養血生新仍破血心疼疝氣可無屯

當歸當歸以其引血各當歸脉絡命名之意言其功也一云當出當州者良

當歸温氣味甘辛止血用頭和用身破血須知歸

尾妙血中之藥更無倫

芍藥芍灼也灼灼其花鮮明貌也根能治病故稱藥也

芍藥微寒味苦酸癰疽積疔大令安白能止痛猶

攻痢赤者通經更抑肝

芎藭子芎充突也滿也蔚蔚然盛貌也一名益母者起下死胎也

芎藭子味辛甘温產難血逆及心煩能下死胎还

養血乳癰丁腫寂無痕

車前子駕車用牛牛在車前喜生牛跡中故曰車前

車前子味甘鹹寒利瀉通淋治產難湿痺中風肝

木痛氣瘰溺澁惚令安

著實著老也生千歲二百莖可以為卜策此天地之問考物也實子也

著實氣平酸苦味令人聰慧預先知明目不飢兼

不老輕身益氣更充飢

卷栢卷以形言卷而不舒也栢葉如栢葉也

卷栢辛甘性氣温平寒無毒散諸淋臟中邪氣陰

中痛癢瘕頭風痿廢尋

續斷主折傷能續筋骨故名續斷

續斷微温味苦辛漏崩帶下喜駢臻更醫拆跌和

腰痛又治金瘡若有神

骨碎補本名胡孫薑唐明皇以其主折傷有奇効故名之

骨碎補苦温無毒拆傷骨碎能連續五勞六極血

風疼破血止血功如玉

蒲黃蒲蘆言易活也黃色也以其產於蒲草之上而色黃也

蒲黃無毒味甘平心腹膀胱寒熱清能散瘀癥諸

瘕血更調月候使身輕

菴藺子菴蘆舍也藺間也此草能辟蛇故菴藺中多種之

菴藺子苦氣寒溫風痺身疼骨節煩腹腫臍瘕經

事閉腰強脚重即能奔

疾黎疾疾惡也黎黎也布地蔓生子有三角刺人人疾惡之也

疾黎辛苦氣溫寒惡血候風癥結團腫痒頭瘡兼

乳難頭痛欬逆肺傷殘

地膚子膚敷布也其苗極弱不能勝卒布地而生也

地膚子苦主膀胱熱在皮膚可作湯利溺補中聰

耳目益精耐老更安康

草决明草其本生於草以別於石决明也决明者言治眼目昏暗决然而明也

草决明鹹甘苦平微寒無毒最明睛赤膚白膜眼

中淚衄血凉肝更益精

青箱子青以色言也箱相視也子去翳膜而能視也

青箱子苦殺三蟲瘙痒皮膚有熱風益髓療唇除

疥痔消肝治眼翳朦朧

漏蘆漏流動又條長也蘆疎也條長而疎疎也

漏蘆氣味寒鹹苦痔漏瘡疽通治乳腸風尿血及

遺精撲損金瘡皆可愈

天名精此草得天之精所生大有灵異昔人射一麋割五臟以草塞之蹶然而起故名活鹿草

天名精味氣甘寒傷拆金瘡小便難瘀血血瘕將欲死藥能一下填令安

丹參 丹赤色也參義見前

丹參寒苦主腸鳴積聚癥瘕寒熱生諸血胎崩經帶下脊腰頭目惚能平

玄參 玄黑色也

玄參鹹苦氣微寒却瀉無根之火狂積聚中風寒熱瘡散除頸核益陰良

紫參 紫疵也凡因色而名者皆倣此

紫參味氣苦辛寒寒熱邪停心腹間諸血腫癰腸胃熱能通九竅利便艱

茜根 茜鮮也可以染絳色鮮鮮也根生於下也又根本也茜文以西草東方雖有不及西方之多

茜根寒苦除風痺蠱毒能祛黃疸退吐衄崩寧產暈安更行瘀血清心肺

茅根 茅艸也艸然而生也又毛也地之毛也根言用下也

茅根無毒性甘寒解渴除勞去淋難鼻衄茅鉞猶可止金瘡崩漏用花安

艾葉 灸治百病痛而後病安故从草从乂為意乂治也艾有懲創意故借為然艾之艾痛切自治也

艾葉微温苦殺虫灸除百病辟寒風薰攻痔腫兼調血胎漏安然暖子宮

地榆 言其葉似榆而長初生布地故名曰地榆

地榆甘苦又酸寒婦乳見疳帶下難崩漏腸風并

馮痢金瘡血疾搃能安

薊根薊根也熟則其氣涼冷則其氣和弱則其氣強亂則其氣治大有所其冀也小薊小有所其冀也

薊根其苦氣溫涼小薊惟專主血傷大薊安胎兼

理血研攻癰腫又宜瘡

紅藍紅淺赤色也藍其葉如藍也

紅藍其苦氣辛溫子死胎中血暈昏少用入心和

血脉多增破血損真元

牡丹皮牡丹也丹赤色也埋雅云荔枝無好華牡丹無美實華而不實陽之象也

牡丹皮苦性寒辛陰火虛勞熱骨蒸腸胃瘀留除

嘔血中風癰瘰破堅癥

鬱金說文鬱芳草也金色黃也丹溪云其氣輕揚古人用以治鬱遏悲命名因此

鬱金無毒苦寒辛下氣涼心血積寬破惡止淋瀝

宿血金瘡生肉更無癥

薑黃形似生姜而色黃也

薑黃無毒苦寒辛氣脹癰疽結積深破血通經消

瘀血更除產後血攻心

玄胡索玄以色言也胡生奚國以地言也宋齊謂胡人為索虜故云索或云其首交紐而生如索

玄胡索味苦辛溫心氣腰疼腹痛侵結塊冲心崩

漏下胎前產後及諸淋

香附香言其氣也附子子附根生也

香附原名莎草根血中氣藥氣中珍主除虛熱還

開鬱消食調經利女人

鯉腸草 草形似鯉魚腸也

鯉腸草味酸甘平洪血流行血痢傾用入烏髭能
變白汁塗髭髮即令生

鼠尾草 其穗如鼠尾也

鼠尾草味苦微寒採花採葉用陰乾分攻二痢花
紅白鼠瘻瘡愈寒熱安

劉寄奴 宋高祖裕之小名也裕用此治金瘡得効因
此而名也

劉寄奴温味苦辛金瘡止痛產餘逆脹消氣下还
攻血心腹中疼効若神

雞冠子 其花形似雞冠

雞冠子氣涼無毒止瀉还除腸臟風更主血膿紅

白痢婦人帶下及崩中

茈胡 柴木也胡系也以木代系相承故也

茈胡味苦氣平寒心腹腸中結氣干調經散寒寒
熱退結痰邪熱最宜餐

前胡 前先也其苗比柴胡先生

前胡寒苦主傷寒脇痞頭風去實痰推舊致新能
下氣更除寒熱小兒疳

白薇 白紫也薇微也色白而躡細也

白薇鹹苦大寒平淋露傷中寒熱頻濕瘡無時邪
氣發中風忽忽不知人

黃連 黃晃也象日光色也連者聯珠而生也

黃連寒苦治兒疳瀉火消煩厚胃腸明目清心能
止痢除驚解毒療諸瘡

胡黃連 胡出胡地

胡黃連苦平無毒久痢傷寒熱骨蒸腰理目明陰
汗止驚癇霍亂用相仍

黃芩 黃以色名芩挺也以其色黃而挺長也一云芩
釜也黃如金也

黃芩味苦性平寒清熱子芩入大腸更有枯飄還
瀉肺安胎止痢治諸瘡

草龍膽 葉似龍葵味苦如膽也

草龍膽寒味苦澀明目祛濕消腫濕疔黃胃熱與
驚癇更治癰疔腸痢急

防已 防預備也巳止也足不進曰止言能防生足病
也

防已苦辛寒氣平中風脚氣不能行傷寒濕瘡癩
脫熱癰腫諸癰喘嗽寧

葛根 葛草也藤皮可以為絺綌也

葛根消渴味甘平發表傷寒胃氣清吐嘔中風頭
痺痛金瘡解毒又醒醒

栝樓根 栝栝槩也樓萎斂也言包其子於內如栝囊
也根名天花粉內有花紋天然而成也

栝樓根苦寒無毒止渴除煩傷可續消痰潤肺子
偏宜莖葉还将解暑酷

苦參 苦吐也入口則吐參深也以言其味苦而根深
也

苦參味苦氣寒沉積聚癥瘕結氣深逐水消癰除

痢熱大風痒痛迫臍陰

防葵 本似防風本葉如葵花葉

防葵辛苦氣平寒腹滿驚邪欬逆痰結溺疝瘕温

地瘡口乾腸泄與癩癩

藍實 月令仲夏令民無刈藍以染鄭氏云為傷生長之氣也先王之法禁焉制字從監實子也

藍實甘寒苦殺蚊蟲傷諸毒並相宜能調五臟填

精髓風腫痒丹葉更奇

青黛 青東方之木色也黛畫墨也古人用之以畫眉故曰黛眉

青黛其鹹氣性寒驚癩鬱火熱多般解諸藥毒消

瘡腫痒痢能除又瀉肝

景天 景光明也其花鮮明也天顛也至高無上為天一名慎火今人皆益養之於屋上以辟火

景天無毒苦平酸大熱煩邪惡氣干虫毒火瘡風

疹痒搗傅熱毒治遊丹

茵陳高 因其陳莖而生也蒿草之高者也

茵陳蒿味苦寒辛温熱寒邪疸遍身煩結傷寒頭

腦痛化痰行滯小便頻

知母 知母也螟蚰之屬母大也以其形類大蚰故云

知母苦辛寒治浮潤滋心肺嗽痰休骨蒸發熱傷

寒瘡補腎能令相火收

貝母 貝其形如貝也

貝母平寒味苦辛傷寒煩熱鬱胃心消痰止咳開

喉痺人面瘡平更主淋

地骨皮

地根在土中也骨皮者去骨用皮也

地骨皮寒苦利腸熱中消渴血能涼骨蒸有汗除肌熱治痺堅筋補內傷

紫苑

紫苑也苑軟也色紫而軟也

紫苑氣溫辛苦未消痰定喘能調肺欬逆噎膿結氣消補虛起痿驚癇退

百部

言其根之多如百部也

百部微溫味苦甘王祛熱氣肺中含多攻欬嗽勞蒸骨去風除蟻又治痺

欬冬花

欬至也至冬花開

欬冬花味甘溫辛治嗽消痰潤肺金欬逆驚癇勞

可補除煩定喘止驚心

白前

自言其色也前苗類前胡也

曰前氣味甘溫辛專主胸中逆氣生欬嗽上衝瀕保肺喉中常作水雞聲

馬兜鈴

其大如馬頭之鈴以形似而言也

馬兜鈴子寒而苦逆氣連連衝肺腑結痰喘促嗽平安血痔瘻瘡薰亦愈

桔梗

桔結也梗梗也其文締結如梗也一云梗枝梗也

桔梗微溫味苦辛脇胃如刺恐驚心開提氣血除喉痛治上能令藥不沉

玉瓜

玉大也獨生於諸瓜之前瓜蔓生者為瓜瓜左又象引蔓中象結實下垂形後凡言瓜者倣此

王瓜寒苦愈聾鍾去血通經散腫癰下乳止便祛

熱結腸風痘渴不相容

菰根菰孤也幼而無父曰孤圖經云其歲久者中心生白臺如小兒臂謂之孤手

菰根無毒一名菱氣味甘寒共藥調瘕熱不留腸

胃內小便能止渴能消

苧根苧苧也麻之屬麻好直生苧好斜生又云苧楮也葉如楮也楮苧之皮緝之皆可為布

苧根無毒氣寒甘蛇咬癰疽見赤丹或發乳房俱

搗貼渴狂胎漏產煩安

耳焦根耳焦根其味甜也焦枯稿也焦不落葉一葉舒則一葉焦故謂之焦也

耳焦根氣大寒甘諸毒癰疽用搗攤產脹天行狂

熱病止煩消渴散遊丹

蘆根蘆根也條長而節疎也

蘆根解毒寒甘味嘔噦難食因熱胃客熱便多清

孚心除煩止渴攻時氣

蘭草蘭蘭也以木為闌防刈之也

蘭草平寒辛更甘利通水道主胃痰通神消痺開

陳鬱止渴生津本氣醜

杜若杜土也若似也一名杜衡杜衡似細辛故鄉人稱為土細辛

杜若微温氣味辛益精明目更輕身温中下氣平

胃脇風腦頭疼止淚頻

草部下

獨活一莖直上不為風搖故名獨活羗活羗出羗胡之地也活生也羗地多生之

獨活其辛平苦溫風寒癰瘰及奔豚賊風新久諸
風痛羗活同功載本門

升麻 升能升陽氣藤其葉如麻也

升麻其苦氣寒平解毒除瘟殺百精攻散癰瘡寧
口肺更能升氣走陽明

細辛 形細而味辛也

細辛除痺大辛溫欬逆頭風滿面門乳核拘攣經
血閉破痰明目淚無痕

防風 性能疎泄肺竅預防生風也

防風勝濕味甘辛溫療諸風瀉肺金頭痛金瘡濕
痺更除翳膜眼中侵

乾薑 乾乾也陽氣燥而乾也薑薑也薑薑也薑薑也薑薑也

乾薑利肺主溫中大熱溫辛逐痺風欬逆滿胃兼
霍亂沉寒瀉痢最能攻

生薑 生鮮也

生薑發散主傷寒溫氣其辛開胃閉鼻塞頭疼兼
欬逆化痰止嘔笑談間

麻黃 麻叢生如麻或云棘而色黃也

麻黃發汗苦其溫止汗還須用節根溫瘡傷寒邪
熱散破堅下氣去班痕

白芷 白色白也芷止也九歌謂之葍喻檢束約教以
止于至善之義

白芷辛溫大治風除癢止漏月經通頭疼目淚和

心痛癰乳瘡瘻一切攻

藁本 藁枯也本根也根上苗下似枯藁也

藁本辛温苦治風疝瘕腹急腫陰同大寒犯腦頭

顛痛引藥升騰至頂中

天麻 綠生高大叢密如麻也又曰天大也麻辣也其味大辛而麻辣也

天麻無毒味辛其頭目風眩利竅開除痺強陰腰

膝利疝寒癰腫及驚癇

赤箭 赤以色言也莖如箭幹以形名之

苗名赤箭天麻種治理同功不必論自表入中苗

用妙自中達外用其根

葉耳子 葉麻之屬一名蒼耳其色蒼實如鼠耳

葉耳子味温其苦葉氣微寒治理同拘攣温痺

風痛癰癧諸風並可攻

秦艽 秦情也艽交也相交而生若有情也或曰產於秦地者是也

秦艽辛苦氣温平主痺拘攣寒熱生五疔骨蒸肢

節痛療風利水小便清

狗脊 形如狗脊有黃毛者名曰金毛狗脊

狗脊平温味苦其背腰強痛緩機関能除周痺連

筋骨失溺傷中履步艱

白鮮皮 白色白也鮮羶也氣息正似羊羶俗呼為白鮮又名地羊羶

白鮮皮味苦鹹寒主治頭風欬逆安黃疸瀝淋陰

腫痛毒風濕痺癰瘡癧

水萍

萍平也浮生水面與水相平

水萍發汗味酸辛寒主諸風痒遍身暴熱時行消

水氣髮鬚能長更生津

木賊

作木器者用之磨光能去木屑故名賊也

木賊其微苦益肝退除翳膜眼能看腸風積塊崩

中痢發汗令人身頓寬

羊躑躅

躑躅跳觸貌羊悞食之則躑躅而死

羊躑躅辛温大毒皮膚痛痒賊風酷症瘡安然痢

痺消除毒兼諸毒

豨猪也豨臭也言其氣如猪臭也

豨薟草苦除寒熱蠶瘡疥清汁治腰膝痺

無力麻痺偏風亦治之

附子

附依附也附根而生也

附子辛甘温大熱風寒欬逆開癥結中風霍乱腹

心疼陰毒回陽功最烈

烏頭

言其形如烏鳥之頭也

烏頭氣味辛温熱諸痺胃痰積聚消肩胛膈疼身

不遂中風風湿摠堪調

天雄

天大也雄徒也本草云服之令人武勇力大作不倦言其功力

天雄温氣味辛甘温痺拘攣行步難強志輕身添

勇力消風破聚更通關

側子

側偏也旁生者為側子

側子除風大熱辛痺風腰脚冷如冰墮胎癰腫消
風瘰鼠痿筋攣脚氣疼

半夏

月令云夏至第三候半夏生以時言也且其葉
半生天然妙化也

半夏辛苦温有毒和中燥湿去寒痰傷寒欬逆咽
喉腫嘔吐頭疼急用燄

南星

色白形圓如星南方多產故名南

南星利膈苦辛平麻痺風痰氣逆行癰腫中風牙
齒噤破傷欲死可回生

何首烏

何姓也首始也頭也烏黑色也何能嗣服之
髮白返黑故因名之

何首烏甘温苦澁腫癰瘰癧面頭風令人有子添
精髓益血烏髭即見功

威灵仙

海上集云昔人患痿久不瘥忽遇新羅僧云
此疾有藥可理與服數日能行因神而名之

威灵仙苦温無毒能治諸風痛痒膚腹冷胃痰癥
瘕氣腰疼脚腫更無虞

仙茅

仙遷也人有道而遷居於山中故字从人从山
仙能通灵也茅葉青如茅服之延年故称仙

仙茅有毒味辛温冷氣榮心食不能嚙痺步艱腰
脚冷虚勞失溺亦相仍

白附子

白色白也附子義見前

白附子能行藥勢温甘辛味主心疼風痰面上諸
般症冷氣風瘡湿下乘

高良薑

高良郡名生於高良者佳形似山薑也

高良薑苦大温辛逆冷衝心及轉筋霍亂腹疼兼

反胃陰陽瀉痢即時分

草薺草卑也下也薺薺也能也言性能治下部之疾也

草薺其平無毒苦背強腰痛除多怒陰痿風寒濕

痺瘡老人失溺能令固

葫蘆巴葫胡也出胡地也乃其國中蘿蔔子也蘆巴羅蔔聲相近也華夷之語不同傳呼之訛也

葫蘆巴主臟虛寒腹脇膨臍面色藍性煖能回虛

腎冷膀胱氣疝可包含

白頭翁花實有白毛長寸餘披下似白頭老翁也

白頭翁苦氣溫其溫瘡疥狂寒熱衄血癭瘤兼

赤痢金瘡癢積搃能堪

阿魏阿日呢魏日哇西番語也呢哇譯音阿魏

阿魏辛平熱殺虫積癥惡氣腹心疼溫瘡傳屍除

蠱毒臭而止臭有奇能

木香木形似木也香言其氣香也

木香調氣苦辛溫和胃行肝滯氣新九種心疼并

久痢腫癰吐瀉搃令伸

茴香茴回也食之而有回味也

茴香主痿味辛平開胃調中脚氣輕霍亂脾疼擗

小腹膀胱冷疝氣能行

零陵香零陵郡名產於零陵山谷中因而名之

零陵香味其辛平惡氣牙疼癰氣侵心腹止疼能

下氣浸油塗髮最香馨

肉豆蔻 肉去殼用肉寇以其形似豆寇也

肉豆蔻温辛苦味霍乱温中能下氣積冷心膨吐

瀉傷止痢还調虛冷胃

白豆蔻 白以色言也豆以形言也寇寇也方言凡萬物盛多謂之寇一類内子有百餘粒故名寇

白豆蔻味辛大温上焦不足補还原肺中滯散調

脾冷氣積寒除止胃翻

草豆蔻 草其实結於草上

草豆蔻味辛氣温邪風寒熱客困門温中止嘔除

心痛霍乱令安解酒煩

縮砂 縮皺也砂沙同以其皮緊皺形色如沙也

縮砂氣味温辛苦散腹虛寒和胃土冷瀉虛勞宿

食消安胎止痢斯為主

萹澄茄子 本出佛誓國名毗陵茄萹澄茄乃番語也

萹澄茄子温辛味消食寬膨能快氣腎冷膀胱氣

可温更攻霍乱和脾胃

使君子 潘州郭使君療小兒多是獨用此物後來醫家因號為使君子

使君子甘温無毒主小兒五疳明目散白濁小便

斯清殺諸虫瀉痢如逐

盧會 盧黑也會合也色如黑錫用數塊散至水中化則白合者為真

盧會苦寒除熱風悶煩胃膈熱相攻鎮心明目消

瘡癩兒熱癩疔更殺虫

京三稜 京當作荆三稜乃刀刈三稜非生有三稜也

京三稜味苦辛平老癖癥瘕結塊成女血不調心
腹痛落胎惡血盡消行

蓬莪茂

蓬蓬蓬蓬然莪古之繁茂盛也言其苗蓬蓬然繁盛貌

蓬莪茂味苦辛温心腹中疼霍乱昏破癖通經消
瘀血能攻積氣及奔豚

大黃

大用大者良小者力薄不堪用黄色黃也一名將軍言其推陳致新定禍乱而致太平也

大黃味苦大寒沉血閉癥瘕積聚深實熱不通心
腹脹大便燥結搃能侵

葶藶

葶定也藶瀝也行也能定肺喘而行水也一名丁丁壯也歷過也萬物過夏皆丁壯成實也

葶藶大寒辛苦味癥瘕積聚攻堅氣消淨利水走
為功降氣除痰尤瀉肺

澤瀉

澤生汝南池澤瀉言其性能瀉水也澤水也瀉又名水瀉

澤瀉甘鹹氣性寒風寒湿痺汗陰間三焦停水勝
膀胱湿力可行除不憚艱

旋花

旋圓也言花形也又旋洩便也以其能行小便也

旋花無毒氣温甘益氣能除面肝藍根味却辛行
小便腹中寒氣去如探

旋覆花

衍義云花淡黃綠繁茂圓而覆下故名也

旋覆花鹹甘氣温補中下氣止驚煩利腸明目消
痰結葉主金瘡湿用根

石龍薔

石生於水石處龍形如龍鬚也薔草也又名龍鬚草

石龍薔味苦微寒心腹邪乘小便艱淋閉湿風煎

鬼疰蛇虫惡毒可除刪

通草

通勃也勃勃然而虛疏也又曰通條達也

通草辛甘氣却平止心煩噓出音聲通經利竅消

癰腫腸熱祛除淋便清

瞿麥

瞿瞿然而生也麥其穗如麥也

瞿麥氣寒心苦味閔格諸癰經血閉墮胎養腎利

膀胱出刺排癰除目翳

百合

其根百片合而生

百合甘平醫百合除浮消脹止驚狂通身寒熱喉

嚙痺乳難諸瘡涕淚汪

紫草

紫言其色紫也

紫草苦寒除疸恙腹中邪氣能祛蕩傷寒時疾癰

瘡安利竅温中消腫脹

萱草

萱諼也忘也故名忘憂

萱草甘寒主疸黃佩花懷孕即宜男破蕩衄血身

煩熱便赤沙淋根汁堪

灯心草

草心可以燃灯以用言也

灯心草是石龍葛喉痺燒灰吹即蘇若治五淋生

煮服兕啼向母乳間塗

酸漿草

其味如酸漿也

酸漿草味氣寒酸產難神功取實吞定志消煩能

去熱用療黃疸搗其根

石韋 石實也韋皮也以其產於石上韋軟如皮也故名曰石皮

石韋其苦平寒氣勞熱清便及發背通淋下氣祛

惡風去毛惟恐傷人肺

海藻 海晦也藻潔也又草也海中之草也

海藻氣寒鹹苦味瘦瘤頸核能攻氣癥瘕癰腫腹

中鳴下水辟邪諸鬼畏

澤蘭 澤產於池澤邊蘭其形似蘭

澤蘭溫苦其辛味衄上竅通關脉利癰腫金瘡乳

婦安消諸水腫功無二

昆布 昆大也布列也布列經緯以及用也以其形如布也

昆布攻浮十二腫瘦瘤瘡痿累累重能開結氣味

鹹寒煮汁煎除頰卵腫

其遂 其稼穡作其土之味也遂田溝行水之道也周禮以溝蕩水以遂均水其性能行水故名之也

其遂大寒其苦味疝瘕腹滿食留胃專攻水腫開

結胃入藥莫教其草會

大戟 增韻云雙枝為戟以其枝莖似戟或云戟亟也攻利水道大亟其草性緩故與之相反

大戟寒其苦治風墮胎去瘀月經通腫癰蠱毒寬

胃腹水腫还能十二攻

澤漆 澤生泰山川澤或云光澤而潤也漆生時摘葉中有白汁出如漆亦能蝕人肉

澤漆辛寒大戟苗苦除膚熱如燒丈夫用補陰

虛氣浮腫通身立可消

莨菪花 莨菪菁也苗似蕪菁故名之又云莨菪也言其花開多也

莨花辛苦寒消癖温瘧傷寒熱邪治水消痰除
欬逆滌清腸胃破癥瘕

芫花 芫元也始也元氣始動而花開

芫花有毒苦温辛欬逆胃痰喜唾頻蠱毒腫癰和
水腫疝瘕咽腫喘吟呻

商陸 商傷也圖經云服之利水傷筋消腎爾雅一名
云遂蕩陸路道也多生道傍故又名當陸

商陸辛甘酸氣平疝瘕水腫墮胎形惡瘡蠱毒胃
邪氣熱毒堅癰敷即寧

牽牛 陶隱居云此藥始出田野人牽牛易藥因以名
之

牽牛寒苦除風毒下氣消膨更落胎大小便通安
脚痛諸般水腫盡能推

蓖麻子 蓖蟬也其子宛如牛身之蟬也麻葉如麻
也

蓖麻子平甘辛味疥癩浮尸鬼疰飛水脹水癥諸
腫毒膏塗脚底下胞衣

白兔藿 白兔莖葉有白毛如兔毛也藿豆葉也葉似
之故名焉

白兔藿苦平無毒虺蛇虫傷消菜肉風鬼疰痛立
能除解諸蠱毒煎湯服

徐長卿 未詳其義或人名

徐長卿味辛温氣鬼物百精驅疫癘蠱毒瘡瘟邪
惡除輕身久服能強銳

大青 其花浸水可作夜色甚青翠美觀故名之也

大青無毒大寒苦主療天時熱疾行大熱口瘡金

石毒頭疼時氣立時平

薺菀

薺味其如薺尼和也味其性和故解百毒圖經云人家收以為果菜或作脯

薺菀其寒消藥毒熱狂瘟疾搗根吞箭封釘腫蛇虫咬殺蠱全除百毒奔

鈎吻

言其入口則鈎人喉吻也

鈎吻辛温多大毒消浮下氣惡黃芩金瘡乳疔还除蠱殺疰猶攻惡氣侵

常山

生於常山道中因地得名

常山有毒寒辛苦消脹更能攻鬼蠱寒熱傷寒又惡寒温瘧胃痰瀕一吐

蜀漆

生於漢蜀中其採時莖中有汁如漆之狀

蜀漆平温專主瘡味辛能散腹癥堅痞積邪氣焦欬逆更攻鬼疰去痰涎

狼毒

藥性云其毒殺飛鳥走獸狼中之即死

狼毒心平除欬逆能攻水氣消停食脇間積癥諸惡瘡鼠瘻兒精蕪疽蝕

牙子 其根牙似狼牙也

牙子寒酸去白虫苦除瘡爛女陰中惡瘍瘡疔諸虫疥蛇毒猪脂共搗蒙

鬼臼

鬼臼也曰春也言其根形如春分年長一葉莖枯掃根為臼一云古方治五尸鬼故名鬼也

鬼臼辛温辟不祥逐蛇解毒氣猶良能攻鬼疰还消蠱却畏垣衣不入湯

續隨子 續繼也連也隨從也初生一莖莖端生葉葉從中復出相續隨生實也

續隨子味辛温毒瘰癧瘰癧皆可破婦人月閉腹

心疼利腸寬脹除痰唾

鶴虱 其子形如鶴虱也

鶴虱苦平微有毒主蛇蟻咬腹心疼用之為散調

脂上最殺諸虫作首稱

資木蚤早也休美也初春早採者為美

蚤休味苦氣微寒弄舌搖頭驚熱癩陰蝕下虫癩

疾愈癰瘡百毒療如閑

預知子 預先也知覺也取子二枚綴衣領中若遇蠱毒則聞其有聲預先知覺也

預知子苦寒無毒遇蠱聞聲故得名療毒殺虫諸

毒解更祛瘟疫自天行

水蓼 水生於水際蓼多也至秋柯枝高大家寥寥狀

水蓼之味辛無毒蛇傷急用搗敷良止毒入心吞

汁妙消浮脚上漬湯漿

絡石 根鬚布絡石上而生

絡石微寒苦更温退除風熱主腰臃癰毒不消喉

舌腫堅筋又治斧瘡痕

營實 營營火盛貌實成實也

營實微寒温味酸癰疽陰蝕禿頭端根除洩利消

邪氣捷損金瘡肉復完

蛇床子 蛇常棲息此草上故名之

蛇床子苦辛平其去濕除風通節閉婦女陰疼男子痿更溫子臟利肢頑

王不留行

一名林示宮花蜀主孟昶夫人好此花後蜀主降宋遷於汴國人言此花曰王不留行

王不留行平苦其金瘡止血產中難癰疽風癩諸

瘡癩出刺調經逐痺寒

敗醬

敗壞也氣味如壞醬

敗醬微寒平苦酸火瘡暴熱痔相盤化膿為水開

凝血逐痺消癰產病安

牛蒡子

牛好食之其根謂之牛菜

牛蒡子味苦甘平癰瘡頭出一枚吞痺喉瘡癭疔

痰壅熱毒金瘡急搗根

乾苔

苔胎也草之未成者也生於石上者為乾苔生於水者為水衣

乾苔主痺味鹹寒霍亂須交煮汁餐心腹悶煩研

水飲殺虫藥毒解金丹

草蒿

蒿高也此草至秋而高也

草蒿寒苦主瘡癩止痢調痺血氣和勞熱骨蒸童

便浸金瘡止血用生按

藜蘆

藜黑色也蘆虛也莖中虛故有葱管之稱

藜蘆止痢苦辛寒上膈痰癩一吐安蠱毒痺喉兼

欬逆諸瘡癬禿盡消殘

射干

形如射鳥之竿也

射干味苦氣溫平喉痺咽痰核生下氣寬膨消

腫毒結開瘀血月經行

山豆根 山生於山豆其實如豆根入藥用

山豆根其寒解毒咽喉腫口中含服消瘡毒止痛
殺虫研水敷即除瘡禿

蛇含草 昔田父見蛇傷有蛇含草填其瘡經日傷蛇乃去田父取其草治瘡皆驗遂名之

蛇含草苦氣寒微寒熱驚癇即氣依鼠瘦金瘡疽
痔瘻蜂蛇虺毒亦依稀

白欵 欵収也能収欵瘡口因効而名也

白欵微寒平苦甘小兒溫瘡與驚癇瘡癰目赤傷
湯火女子陰中痛腫難

白芨 芨芨也音同俗作及君子既入其莖並蘭也名之皆形似蘭也

白芨微寒平苦辛惡瘡癰癬裂皮皴賊風鬼擊邪
干胃癢緩難収並可伸

羊蹄根 言其根似羊蹄也

羊蹄根苦寒無毒陰蝕浸淫頭上禿癬瘡腫毒醋
磨敷除熱殺虫功效速

連翹 連合也翹鳥尾也片片相合如鳥尾也

連翹味苦氣平寒瘦癰瘡毒百般効有神功兼
瀉火退除胃熱五淋安

百草霜

百種燒成百草灰醋和為餅大如梅金瘡止血研
敷上肢臭須令挾出來

藺茹其形如菴藺或云藺初生時苗如藺高也茹之可以充食也

藺茹寒氣辛酸味惡肉敗瘡除死肌殺疥排膿消惡血大風熱氣使離披

金星草葉背有黃點如金星

金星草苦寒無毒大解硫黃丹石酷發背癰疽結核瘡酒煎為末空心欲

紫葛義見前

紫葛味甘苦氣寒根皮採向日中乾惡瘡癰腫須磨服和醋封之立潰安

蒲公草未詳其義或云蒲公用此草治癰腫得効因其姓而名焉

蒲公草味氣溫平丁腫諸瘡乳核癰惡刺結痰和

熱毒最宜搗末向瘡封

穀精草生於穀田中得穀之精氣而生也

穀精草味氣辛溫翳膜遮睛眼障昏喉痺疥瘡牙齒病穀田收採煮湯吞

牛扁牛專治牛病扁莖梗不圓而扁也

牛扁微寒其味苦多因牛病得斯名皮瘡熱氣入煎浴蟻虱牛虫沐不生

夏枯草月令云靡草死得金氣而生至夏火盛而死火尅金之義也

夏枯草味苦辛寒鼠痿頭瘡癩癰干明目破癥除脚氣能消濕痺又滋肝

鴨跖草跖脚掌也其葉似之也

鴨跖草苦寒除毒狂癩腹痞小兒丹癩癰止痢消
丁腫瘡瘡生痰寒熱安

山慈姑根

山慈姑根似慈姑癩癰瘡結核珠莖葉搗膏和
蜜貼磨根却用醋調敷

瑱麻

瑱麻白麻也多出北方

瑱麻之子為茵實味苦氣平專痢疾飲末炒研和
蜜調若吞一粒瘡如劈

木部

桂

桂猶圭也為諸藥之先聘也木葉心皆一級理獨
桂有兩紋形如圭也製字者意或出此

桂味甘辛百藥宣溫中大熱治風癲風寒霍亂令

胎墮止汗通經解骨痠

牡桂

牡陽也生於桂陽也一云名丹桂正謂皮赤爾
得火之色陽之象也

牡桂辛溫出海南能攻喉痺吸呼艱補中益氣蒸

除結久服輕身利節開

菌桂

菌字與同字相近後人誤而書之習而成俗至
於書傳亦復因循一名筒桂言其卷如筒也

菌桂辛溫交趾生和顏悅色養元精更為諸藥先

通使服久如童骨躄輕

槐實

槐懷懷也朝位植三槐三公位焉州長衆庶在
其後蓋槐取懷來之義也

槐實鹹酸苦氣寒疝疼濕熱痢漫漫墮胎補腦蒸

明目五痔腸風可作丸

栢實

栢諧白為声乃木皆向陽惟栢西指蓋陰木而
有貞德故字以白稟西方嚴凝之氣凌冬不凋

栢實其辛平主驚腰疼腎冷痺風沉葉温苦澁調諸血益氣輕身更補陰

松脂松公也萬木之長故有千歲万年之久也脂樹

松脂其苦消膿血牙痛諸瘡清胃熱葉除濕痺又輕身花實補虛風用節

茯苓茯苓伏也松脂伏於地中而生苓靈也史記云茯苓靈在鬼絲之下以此靈者言其治病之靈驗

茯苓其淡平除濕補癰還當分白赤肺火腎邪憂

恚驚消痰益氣生津液

茯神神神靈之義一也

芩肉連根名茯神開心益智養天真虛勞風眩心堅滿止怒除驚又定魂

琥珀琥珀也用禮以白琥珀禮西方琥珀注云為虎形也一名琥珀言其有安魂定魄之功

琥珀其平脂化成定魂安臟殺邪精金瘡產後消

瘀血破結通淋目更明

枸杞枸杞也杞如杞柳之杞多刺又名枸棘爾雅翼枸杞云其根久而有物如狗形者服之大有益異

枸杞苦寒根大寒熱風周痺遍身頑益精補腎能

明目根治虛勞熱骨間

酸棗酸言其味也棘實也其樹多刺故字以重東今出酸棗縣者為真故縣以此得名

酸棗平酸除濕痺消煩欬汗寧心志堅筋益氣止

臍疼治膽虛頻寒失寐

梔子梔子也梔乃酒器因其形似之故名焉

梔子苦寒除胃熱肺中之火猶堪泄身黃目赤鼻

皴紅止痢消煩開鬱結

黃檗檗巨也取其木大而皮厚色黃者佳

黃檗微辛苦氣寒主除伏火履艱難口瘡吐血勝

眊熱補腎清便更洗肝

竹葉竹剉草也六書稽蓋云葉木之餘以自覆因以為文也象交互附綴木上凡言葉者敬此

竹葉平寒其苦味涼心散熱消喉痺益筋止嘔更

安胎痰壅中風燒瀝餌

楮實楮實也其尖赤色也

楮實甘寒主補虛葉除兒熱惡瘡疽皮能逐水和

諸血汁療虫傷疥癬除

山茱萸山生於山也茱朱也言其色紅也萸肥腴潤澤也

山茱萸澁酸温平補腎添精治耳鳴止氣温中腰

膝暖通經逐痺又輕身

五加皮五應五行也又云上應五車之星精也故葉生五出者佳加嘉也

五加皮苦辛温寒風痺肢攣心腹疝益氣堅筋兒

脚軟多年瘀血在肌間

杜仲人名也昔人腰痛百方不効杜仲用此治之而愈杜仲久不至患者思之如仙故名思仙

杜仲辛甘温又平小便遺瀝脚難行堅筋強志除

陰湿止脊腰疼更益精

南藤生於南樹藤藟也草蔓延如藟者為藤

南藤無毒味辛温冷氣風邪温酒吞除痺起陽腰

脚強補滋衰老血風奔

石南 蜀本草云生於終南近石處甚饒故因而得名

石南養腎平辛苦筋骨皮毛五臟邪女子思男因

久服痺風蠱毒子堪誇

女貞實 言其清涼潔淨凌冬不凋贊曰女貞之樹柯葉冬生寒涼守節險不能傾故又名冬青子

女貞實味苦甘平葉似冬青或即名安臟補中除

百疾精神肥健更輕身

桑根皮 桑字从桑从木象衆手採取之形取其葉以食蠶蠶根皮人藥用之

桑根白皮其辛溫瀉除餘氣肺中存五勞六極并

痰喘水腫虛浮去似奔

桑寄生 寄寓也一名寓木又名鳶鳥食物子糞落桑樹上感氣而生也

桑寄生平其苦味崩中不足安胎墜金瘡癰腫反

腰疼下乳驅風逐去痺

南燭枝 南方火也得南方之氣而生其色赤光

南燭枝味苦溫平強筋止瀉又輕身葉蒸搗汁為

烏飯一合終朝助遠行

合歡 嵇康云合歡蠲忿其葉至暮而合故又名合昏亦名夜合

合歡明目使人歡味氣其平五臟安利志補陰功

甚捷消癰續骨有何難

益智 服之長八智慧

益智辛溫能益氣補中調氣除遺瀝寒邪入胃惡

心頻虛漏洩精小水滴

榆皮 字說白榆藩滑故謂之俞韻會俞合也故字从人合三月生莢非合而何

榆皮 字說白榆藩滑故謂之俞韻會俞合也故字从人合三月生莢非合而何

榆皮滑利性甘平利水通便產易生心痛頭瘡當採實小兒癩熱用花清

乾漆乾陰乾也漆說文云木汁可以髹物下流水象

乾漆辛鹹溫補中破癥安臟殺三虫續筋填髓通經脉散血攻心去痺風

蔓荊子蔓生也荊刑也以條作搗杖

蔓荊子味苦甘辛逐痺通關寒又溫筋骨頭風晴內痛殺虫堅齒止頭風

牡荊牡陽也木得氣之陽為甲草得氣之陰為乙木生者為牡

牡荊實苦溫通胃寒熱骨間蒸下氣燒莖取瀝止心煩痰實兒癩同一味

辛夷

辛其氣辛香也夷滅也善滅而點以功言也

辛夷主臟又溫中無毒辛溫去腦風利竅解肌通鼻塞面浮引齒痛能攻

木蘭言其木香如蘭

木蘭寒苦採皮乾熟在皮膚痛面丹赤鼻酒被陰濕痒厲風癩疾寺閉看

蕤核蕤草木實也果中核

蕤核甘溫多主目痛傷眦爛腫皮紅風痒淚流皆可治更除邪熱腸心中

鈎藤莖上有刺若鈎也亦名芎治小兒天疳之疾

鈎藤甘苦氣微寒惟主嬰兒十二癩寒熱胎風蒸

客忤却和他藥不相關

秦皮 秦其樹生於秦地也

秦皮寒苦除風濕翳膜遮睛肝熱迫男精女帶小兒疳久服輕身頭不白

蜜蒙花 蜜言其味甘也蒙言其花蒙蒙然

蜜蒙花味甘平寒合蜜調蒸用日乾痔豆氣攻兒眼目青盲赤退即能看

欒華 欒亦瘡貌詩棘人柰柰兮其花似櫻而小故名柰也華花也

欒花寒苦專攻目淚出背傷常若哭大人吐食嘔声頻時漏須分湯末服

丁香 其形如釘也

丁香治氣味辛溫嘔逆牙疳霍亂昏除冷溫痺消腫毒煖腰及膝逐奔豚

蘇合香 梁書云天竺國出蘇合香是諸香汁合煎之其形如酥也

蘇合甘溫香冉冉瘞癩瘟瘡隨身染除邪去蟲殺三虫辟惡令人無夢魘

沉香 沉水試沉底者佳

沉香散滯味辛溫主壯元陽保命門諸氣轉筋堪作使上行顛頂下行跟

藿香 藿豆葉其葉似藿也主療霍亂或言其功也

藿香快氣甘辛溫惡氣心疼霍亂昏開胃溫中風水腫更為吐逆藥之尊

紫真檀 陳藏器云檀樹如檀

紫真檀氣温鹹辛霍乱心疼惡氣侵風腫金瘡研末敷更調諸氣引芳聲

龍腦香 衍義云樹幹如松株形似虬龍也腦樹之膏液也諸藥之中惟此最貴或尊稱之辭也

龍腦香温辛苦味膏香乃取根頭液通閉去熱散風延破滯去邪攻目赤

安息香 西陽雜俎云安息香出波斯國呼為辟邪安息猶言安寧也

安息香平辛苦味鬼胎癩癧和邪氣腹心惡去蠱毒消辟惡來神諸鬼畏

杉杉从彡彡長毛也其葉彡彡也材其木堪棟梁不久而不腐

杉材無毒味辛温脚氣烹湯濯腫痕主療漆瘡除

惡氣腹心膨脹脣煎吞

乳香 言其形如乳頭也

乳香止痛苦辛温惡氣諸瘡痛腹心消腫催生調

血氣中風口噤耳聾侵

楨榔 楨實也榔郎也實郎男子之稱陶弘景云向陽者為楨榔向陰者為大腹子

楨榔辛苦温祛瘡脚氣攻心心腹恙後重如神殺

寸虫除痰破滯令通暢

枳殼 枳橘之屬橘逾淮為枳也殼去穰用殼也

枳殼微寒酸苦辛化痰安胃破堅癥氣凝胃膈生

膨塞風入皮膚作痒疼

枳實 實言其實小而中實者佳

枳實寒酸苦豁痰脾經積血脅風團消膨逐水開
胃結化食能令胃氣寬

厚朴 言其質朴而皮厚也

厚朴辛溫苦厚腸胃中逆冷吐酸漿中風霍亂和
驚悸腹脹傷寒並使康

茶茗 早採為茶晚採為茗

茶茗微寒其苦味痿瘡目痛須臾背去痰止渴頭
目清下氣利便還釋滯

烏藥 鳥言其色黑又云根似烏樟藥治病總名以草
以藥草部居多藥人病則憂病去則安藥也

烏藥辛溫祛瘴疫勝肌冷氣攻衝脊婦人血氣小
兒虫更主心疼消宿食

巴豆 巴生於巴豆形如豆也

巴豆辛溫通閉塞傷寒溫瘧微堅積消腫排膿月
水行滌腸除脹攻痰癖

皂莢 皂早也日未出時早起視物皆黑此色如之也
莢夾也兩相夾合而中藏子也

皂莢辛鹹溫利竅貼塗腫毒煎膏妙中風卒死及
頭風風痺堅膨皆可療

大腹皮 大腹者腹大而平也皮用其皮以治氣疾尖
者為楨榔

大腹皮溫辛下氣健脾利膈還開胃氣攻心腹力
能消毒壅大腸功足慰

烏白 烏色烏也白其尖形如白嵩也

烏白苦溫蛇毒遁水瘕積聚令人悶大便艱閉不

宜多劈破水煎惟一寸

猪苓

猪形如猪矢苓與茯苓之義同六書故云苓令也謂其狀如令也鈴古单作令盧令令鈴繫犬

猪苓味淡苦甘平消腫除膨水道行痰瘡傷寒瘟

疫散服多昏目損人精

郁李仁

郁盛貌爾雅一名棠棣詩云棠棣之華何彼穠矣李木之子也

味苦酸平郁李仁四肢浮腫水臧身利便破血通

関格根主堅牙及齒斷

吳茱萸

吳生於吳地也茱朱也萸盛也其實初生色青久熟色紅一名檉椒椒醜茱言其實蕃盛

吳茱萸味温辛苦脚氣攻心寒嘔吐膈冷寒邪心

腹疼逐風下氣温脾土

秦椒

秦生秦地椒焦也其味焦辣也一云椒朱也形如朱也

秦椒明目苦温辛利臟温中通月經痢久腹中寒

痛甚風邪寒痺即惺惺

蜀椒

蜀生於川蜀也

蜀椒温熱辛除痺瘟瘡傷寒能下氣六腑寒除又

壯陽縮便堅齒猶温胃

胡椒

胡出摩伽陀國

胡椒快膈大温辛冷痢寒痰霍乱頻下氣温中除

腹痛服多脾肺却生屯

棟實

棟練也子可浣衣練縮

棟實苦寒通水道傷寒瘟疾狂煩燥皮治遊風根

殺虫利便更主心痰暴

訶梨勒梵語云訶梨恒羅謂唐言天堂未昔薄拘羅尊者以一枚施病比丘服之無衆疾故云云

訶梨勒温味酸苦泄逆消痰開胃腑心膨氣鬱結

胃消止痢泄腸停瀉吐

麒麟竭麒麟樹之津液結成也又名血竭言其色紅如血也

麒麟竭味甘鹹平疥癬金瘡肉即生帶下臑邪能

止痛折傷破血酒調傾

梁沒論也沉也木之膏液淪入地中凝結成塊也

沒藥平辛苦止疼金瘡痔漏惡瘡仍婦人產後能

行血打撲傷殘効有能

紫言其色也草木盛茂謂之葳也

紫葳治血酸寒氣產乳癥瘕崩帶疾胎安風散酒

破除痿用葉莖同氣味

松烟墨燒松節之烟和膠作墨也釋名云墨瘳也似物瘳墨也

松烟墨辛能止痢物芒入目點其睛生肌止血金

瘡合血暈崩中用最精

衛茅衍義云三百如鋒刃人家多幡之遣崇子言其形如茅也衛護也

衛茅主女血崩災寒苦驅邪更落胎蠱疰腹疼兼

脹滿傷殘血氣亦能培

虎杖虎言其根黃上有赤班點如虎之班文也故又名班杖根杖條也

虎杖微温能破血通經更主癥瘕結損傷跌撲勢

傾頽酒漬其根功急烈

天竺黃出天竺國黃言其色也

天竺黃寒味却其小兒天吊及驚痰鎮心明目除風熱養臟還攻喉內暗

蘇方木 出自蘇方國因而名之

蘇木其鹹酸氣平排膿破血更行經撲傷腹痛和癰腫血悶昏膨並可醒

柳子 柳爺也林邑王與越王有怨遣人刺之首懸於樹化為柳子當刺時王大醉故其聲猶如酒云

柳子味苦氣不毒黑髮止血止鼻衄殺肉益氣水解渴吐逆霍亂煮汁服

椶櫚子 椶駘也其形如馬駘也櫚言間闊多植此以為用也

澁腸止瀉椶櫚子苦澁氣平皮性爾鼻洪崩帶及腸風治痢破癥如撚指

楓香 楓其木厚葉弱枝善搖故字从風也香言其氣也

楓香脂味苦辛平子治風瘡癬疥生齒痛腫浮丹疹痒殺虫更著外科名

柳花 从木从卯一云从酉古酉字也二月建卯逢之而榮故从卯八月建酉逢之而零故或从酉

柳花寒苦除黃疸根葉皮攻下腫瘡絮止灸瘡癰用实煎枝含汁治牙良

蕪萸 無穢也夷傷也其氣臭如傷敗之物也

蕪萸化食氣平辛骨節皮膚風毒巡五内邪除祛寸白腸風痔瘻絕無塵

雷丸 雷累也丸圓也累七相連如丸狀也

雷丸鹹苦殺三虫毒氣消除熱胃中百病小兒膏

可療皮膚熱結力能攻

五倍子 五倍因商賈得五倍之利而名也

五倍子平鹹苦味肺風溢作皮膚濕癬瘡五痔齒

牙疳風眼頑痰須煮汁

黃蘗

黃蘗苦平主惡瘡癩瘡喉痺犬蛇傷取根研汁隨

含傳治馬原來用此方

椿 椿从春木之長也春乃四時之首也
椿樗 樗其葉脫處有痕如樗浦子故得此名也

椿樗苦澁氣微寒葉洗瘡疽皮主疥久痢帶崩腸

滑瀉殺蛇还是白皮堪

梓皮 梓子也荆之類色白而生子者為梓也
梓皮桐葉 梓子也荆之類色白而生子者為梓也

梓皮桐葉俱寒苦五痔三虫目蝕瘡花葉飼猪令

壯大小兒瘡疥用煎湯

釣樟 釣葉尖長如釣鈎樟其文似樟木也

釣樟洗疥用皮根中惡心疼霍乱昏腹脹水浮堅

鬼疰金瘡止血逐奔豚

樺木 皮有花紋也

樺木皮苦平無毒療諸黃疸濃煎服時行熱毒碗

豆瘡初腫乳癰調酒逐

千金藤 千金貴重之稱也

千金藤主療顛癇霍乱虛勞利嗽痰中惡天行祛

瘡瘡腫癰血毒力平戡

榧實

榧文木也亦雅翼云有美實而材光文彩如栝斐然成章也

榧實去三虫無毒味其攻五痔有方啖多則引火

傷肺食子消蠱毒滑腸

木鼈

言其形之似也

木鼈其温主折傷肛門腫痛步趨踰婦人乳痛兼

腰痛消毒生肌愈惡瘡

釋藥集韻卷之上終



